

Headline	TNB, THT tepati ramalan		
MediaTitle	Sinar Harian		
Date	05 Mar 2024	Language	Malay
Circulation	140,000	Readership	420,000
Section	Sukan	Page No	38
ArticleSize	126 cm ²	Journalist	N/A
PR Value	RM 8,014		



TNB, THT tepati ramalan

PIALA TNB

SELASA (5 MAC)

SEPARUH AKHIR PERTAMA

TNB *Iwn* UiTM HA-KPT,
jam 6 petang
THT Iwn Maybank, 8 malam

* Semua perlawanan di Stadium
Hoki Nasional Bukit Jalil

TENAGA Nasional Berhad (TNB), Pasukan Hoki Terengganu (THT), Maybank dan UiTM HA-KPT mengesahkan slot separuh akhir Piala TNB 2024 selepas menewaskan lawan masing-masing pada aksi suku akhir.

Selepas menewaskan Kuala Lumpur City 7-0 pada pertemuan pertama, TNB membelasah skuad muda warga kota itu 17-1 pada pertemuan kedua sekali gus mara separuh akhir menerusi agregat 24-1.

Pengendali TNB, Nor Saiful Zaini Nasiruddin kemenangan tersebut menyemarakkan lagi semangat pemainnya untuk meraih kejuaraan treble musim ini.

“Untuk aksi separuh akhir, kami telah mengetahui kelebihan dan kekurangan lawan berdasarkan aksi pusingan kumpulan.

“Namun saya dan pasukan tetap akan merangka strategi terbaik agar kami berjaya ke final dan mengapai sasaran untuk muncul juara treble musim ini.

“Saya percaya jika kami memberikan satu perlawanan yang baik dan berjuang berhabis-habisan, kami mampu mengapai sasaran yang ingin kami capai,” katanya.

Separuh akhir pertama menyaksikan TNB menentang UiTM HA-KPT, manakala satu lagi perlawanan membabitkan THT menentang Maybank.